

聖

學

宗

傳

聖學宗傳卷之十一

周汝登編測

王繼晃

東越

陶望齡訂正

王繼炳

參閱

楊簡

楊簡字敬仲慈谿人學者稱慈湖先生父通奉  
公庭顯刻意爲學其功甚密敬仲生之夕祥光  
外燭四廂望之以爲火也稍長入小學便儼立  
若成人通奉公嘗令默自反觀敬仲服膺是訓  
不懈踰弱冠入上庠每試輒魁敬仲入院時但

向壁坐日將西乃方舒徐展巷下筆若波注二十八歲居太學循理齋首秋初夜宴坐於牀方復反觀忽覺得天地萬物通爲一體非爲心外乾道五年舉進士授富陽簿象山新第歸過之象山長敬仲才二歲素相呼以字爲交友留半月別去則念天地間無疑者平時願一見莫可得遽語離乎復留之夜集雙明閣上數提本心二字因從容問曰如何是本心象山曰惻隱仁之端也羞惡義之端也云云此卽是本心敬

仲曰簡兒時已曉得此語畢竟如何是本心凡數問象山終不易敬仲亦未省適平曰有鬻扇者訟於庭敬仲斷其曲直訖退問如初象山揚聲答曰適來斷扇訟是者知其爲是非者知其爲非非敬仲本心而何敬仲聞之忽大省此心澄然清明廣大無始末無所不通復亟問曰止如斯耶象山竦然端厲復揚聲曰更何有也敬仲不暇他語卽揖而歸拱坐達旦質明北面納弟子禮師事焉每謂某感陸先生尤是不再答

一語若更云云便支離去矣時八年秋七月也已而觀故書猶若有疑終夜坐不寐天曠曠欲曉忽灑然如物脫去乃益明淳熙元年春喪母去官尚覺日用酬應未能無礙沈思屢日偶一事相提觸亟起旋草蘆中始大悟於是變化云爲縱橫交錯萬變虛明不動如鑑中象矣服除授紹興府理掾二府史觸怒帥送獄勘之敬仲白無罪命勘平日敬仲曰吏今日實無罪必擿掬往事置之法某不敢奉命帥大怒敬仲爭愈

力帥知不可屈遂已常平使者朱熹薦之差潮  
西撫幹乃令督三將兵軍政大脩衆大和悅改  
知燜縣丁外艱服除知樂平縣首登講席邑之  
大夫士咸會誨之曰人性至善人性至靈人性  
至廣至大至高至明人所自有不待外求人所  
自有不待外學孩提之童無不知愛其親及其  
長也無不知敬其兄見牛糾棘誰無不忍之心  
見孺子匍匐將入井誰無往救之心是謂仁義  
之心是謂良心卽堯舜禹湯文武周公孔子之

心卽天地日月鬼神之心人人皆有此心而顧爲營營逐逐貪利祿患得失者所熏灼某切惜之敢宣以告誨之諄諄不倦其言坦易明白人可曉諸士一旦得聞在會有泣下者紹熙五年召爲國子博士旣赴監講乾繇反覆數千百言發人心固有之妙欣欣然人自慶幸咸謂先聖贊易後未之聞也會遂丞相趙汝愚敬仲上書遭斥主管台州崇道觀嘉定元年寧宗更化遷秘書省著作佐郎輪當面對遂極言時弊陳

經國之要三劄洞切上數俯首諦視至讀饑民  
相食處蹙額久之人爭傳誦流至北境見者輒  
雪涕舉兩手曰此江南楊夫子也三年旱蝗詔  
求直言敬仲上封事言臣聞旱者火厲之氣三  
才一氣如人一身腹臟作楚則四體頭目亦爲  
之不安人事垂厲則天地之氣亦感應而爲乖  
厲又次言改過聖賢之大德近世士大夫多以  
改過爲耻故人亦不敢忠告王安石本有非常  
之譽諸賢競議新法安石豈不動心致疑而決

策不回者重於改過也故其末流小人類進禍及國家陛下取群臣之改過服義者表章陞擢使凡建議不遂非飾辭則集衆智歸於一是國家何事不辦而堯舜禹湯之大道復大明於今日矣授著作郎將作少監入對奏問曰陛下自信此心卽大道乎上曰心卽是道畧無疑貳之色曰日用如何上曰止學定耳曰定無用學但不起意自然靜定澄明上曰日用但勿起意而已因贊曰至善至善不起意則是非賢否自明

此日復奏問曰陛下意念不起已覺如太虛乎  
上曰是如此曰賢否是生平歷歷明照否上曰  
朕已昭破曰如此則天下幸甚問答往復漏過  
八刻敬仲出上目送久之恭  
國史院編脩官奏請改史法從編年之舊謂孔子作春秋書某年  
某月某日某事人讀之以爲是者道也以爲非  
者非道也如此而書大道自明自司馬遷改編  
年爲紀爲世家列傳使後世見事見人而不見  
道疏不果上以面對所陳未行求外補得溫州

到郡首訪賢者禮致之示標表雖不督賦而財  
未嘗匱不設法不立額而課未嘗虧士咸向方  
知務學有冒同姓登科者既數年矣忽大感悟  
詣先生繳納出身在郡奉養菲薄曰吾敢以赤  
子膏血自肥乎民愛之如父母咸盡像事之遷  
駕部員外郎老稚扶攜緣道傾城哭送入對奏  
言宜盡掃喜願惡通之私情以善政請舉弊政  
請除民怨自銷禍亂不作則朝廷無失政無失  
檢討官時金人太歲不吉

吏列弓弩臨淮水射之退敬仲慙然曰得土地  
易得人心難薄海內外皆吾赤子況此中土故  
民出塗炭投慈父母顧與之斬斗升粟而迎殺  
之斬脫死乃速得死豈相上帝綏四方之道也  
哉卽日上奏痛言之會有疾請去益力進寶謨  
閣侍制提舉鴻慶宮理宗卽位詔入見屢辭不  
以寶謨閣學士致仕三月二十三日卒年八十一  
有六敬仲清明純一無生死異屬續之夕始然  
如平時門人錢時曰三代衰聖教熄異端邪說

爭輒駕於天下其後傳註以爲經章句以爲學  
涂酒家法徒存紙上之空言於赫我宋篤生賢  
哲而先生又挺出諸儒後伏羲肇畫初無文義  
可傳孔氏遺書不從言語上得本心本聖無體  
無方虛明變化無非妙用斯道也堯以之安安  
舜以之無爲禹以之行其所無事湯以之懋昭  
文王以之順帝則武王以之訪洪範周公以之  
師保萬民孔子以之爲刪爲定爲繫爲筆削褒  
貶是之謂中是之謂極是之謂秉彝矣則茫茫

千古智探巧索如曠商律如膜指杓而先生得  
之斯道於是大明有功聖門大矣真所謂天民  
先覺者歟其歸自胄監也家食者十四載築室  
德潤湖上更名慈湖館四方學子於熙光咏春  
之間而啟迪之於是始傳詩易春秋傳曾子始  
取先聖大訓間見諸雜說中者刊訛剔誣萃六  
卷而爲之解謂人皆以易爲書不以易爲已先  
生是以有已易人皆徇目爲見徇耳爲聞而不  
明夫不可見聞之妙先生是以有閒居解夫人

皆有至明至靈廣大聖智之性微生意必固我  
焉故蔽之聖人不能以道與人能去人之蔽耳  
先生是以有絕四紀學者不反其所自有而或  
陷溺於諸子百家之意說疑似支離卒莫見道  
先生是以有啟蔽謂治天下其最急者五其次  
急者八先生是以有治務 敬仲之語曰自生  
民以來未有能識吾之全者惟覩夫蒼蒼而清  
明而在上始能言者名之曰天又覩夫噴然而  
博厚而在下又名之曰地清明者吾之清明博

厚者吾之博厚而人不自知也人不自知而相  
與指名曰彼天也彼地也如不自知其爲我之  
手足而曰彼手彼足也如不自知其爲已之耳

目鼻口而曰彼耳目也彼鼻口也不以天地萬

物萬化萬理爲已而惟執耳目鼻口四肢爲已

是剖吾之全體而裂取分寸之膚也是梏於血

氣而自私也自小也非吾之軀止於六尺七尺

而已也姑卽六尺而細究之目能視所以能視

者何物耳能聽所以能聽者何物口能噬所以

能噬者何物鼻能嗅所以能嗅者何物手能運用屈信所以能運用屈信者何物足能步趨所以能步趨者何物血氣能周流所以能周流者何物心能思慮所以能思慮者何物目可見也其視不可見耳可見也其聽不可見口可見噬者不可見鼻可見嗅者不可見手足可見其運動步趨者不可見血氣可見其便之周流者不可見心之臟可見其能思慮者不可見其目見者有大有小有彼有此有縱有橫有高有下不

可得而一其不可見者不大不小不後不先不  
縱不橫不高不下不可得而二視與聽若不一  
其不可見則一視聽與噬喫若不一其不可見  
則一運用步趨周流思慮若不一其不可見則  
一不可見者在視非視在聽非聽在噬非噬  
在喫非喫在運用屈信非運用屈信在步趨非  
步趨在周流非周流在思慮非思慮視如此聽  
如此噬如此喫如此運用如此步趨如此周流  
如此思慮如此不思慮亦如此晝如此夜如此

寤如此寐如此生如此死如此天如此地如此  
日月如此四時如此鬼神如此行如此止如此  
古如此今如此前如此後如此彼如此此如此  
萬如此一如此聖人如此衆人如此自有而不  
自察也終身由之而不知其道也爲聖者不加  
爲愚者不損也自明也自昏也此未嘗明此未  
嘗昏也或者蔽之二之自以爲昏爲明也昏則  
二明則一因昏而立明不有昏者無自而明也  
昏明皆人也昏名也知之者自知也不可以語

人也所可得而語人者曰吾無行而不與二三  
子者而已終不可得而言也曰吾有知乎哉無  
知也而已實無得以告人也何爲其然也尚不  
可得而思也矧可得而言也尚不可得而有也  
矧可得而知也然則昏者亦不思而遂已可乎  
曰正恐不能遂已誠遂已則不學之良能不慮  
之良知我所自有也仁義禮智我所自有也萬  
善自備也百非自絕也意必固我無自而生也  
雖堯舜禹湯文武周公孔子何以異於是雖然

思亦何害於事箕子曰思曰睿孔子曰學而不思則罔周公仰而思之夜以繼日思亦何害於吾事也既曰天下何思何慮矣而又曰孰曰兢兢業業曰艱曰改過曰翼翼無思無慮者固如此乎但兢兢但業業但克艱而弗易但改過但翼翼方兢兢業業克艱而不易吁此心果可得而見乎果不可得而見乎果動乎果不動乎特未之察耳是心本一也無二也無嘗斷而復續也無嚮也不如是而今如是也無嚮也如

是而今不如是也晝夜一也古今一也少壯不  
強而衰老不弱也有強有弱者血氣也無強無  
弱者心也有斷有續者思慮也無斷無續者心  
也能明此心則思慮有斷續而吾心無斷續血  
氣有強弱而吾心無強弱有思無思而吾心無  
二不能明此心則以思慮爲心雖欲無斷續不  
可得矣以血氣爲已雖欲無強弱不可得矣雖  
欲造次於是顛沛於是無須臾不於是強勉從  
事不須臾而罷矣況於造次乎況於顛沛乎書

曰作德心逸日休作僞心勞日拙如此則亦僞而已矣 通乎一萬事畢差之毫釐謬以千里故仕止久速一合其宜周旋曲折各當其可非勤勞而爲之也 吾心中自有如是十百千萬散殊之正義也 禮儀三百威儀三千非吾心外物也 故曰性之德也 合內外之道也 故時指之宜也 言乎其自宜也 非求乎宜者也 人之所不學而能者其良能也 所不慮而知者其良知也此豈計度而圖之也 比豈操議而成之也 始執

陽之暴至白而無瑕也如江漢之濯至潔而無  
滓也混混乎無涯無畔無始無終也天地非大  
也毫髮非小也晝非明夜非晦也往非古也此  
非今也他日非後也鳶飛戾天非鳶也魚躍於  
淵非魚也天下被日月之明照而不知其自我  
也天下霑雨露之潤而不知其自我也天下畏  
雷霆之威而不知其自我也日夜行乎吾已之  
中而以爲物也孔子曰哀樂相生雖使正明目  
而視之不可得而見也傾耳而聽之不可得而

聞也哀樂必有形哭笑必有聲而曰不可見不可聞何也此非心思之所能及也非言語之所能載也我之所自有也而不可知也不可識也

舜曰道心非心外復有道道特無所不通之稱孔子語子思曰心之精神是謂聖聖亦無所不通之名人皆有此心此心未嘗不聖精神無體質無際畔無所不在無所不通易曰範圍天地果足以範圍之也中庸曰發育萬物果皆心之所發育也百姓日用此心之妙而不自知愛

親曰孝敬兄曰弟以此心事君曰忠以此心事長曰順以此心與朋友交曰信其敬曰禮其和曰樂其覺曰知所覺至於純明曰仁言此心直而不支離曰德其有義所當行不可移奪曰義名謂紛紛如耳目鼻口手足之不同而一人也如根幹枝葉華實之不同而一木也此心之虛明廣大無所不通如此而孔子曰學而時習之謂其時時而習何也此心本無過動於意斯有過意動於聲色故有過意動於貨利故有過意

動於物我故于失萬過皆由意動而生故孔子  
每每戒學者毋意吁本心雖明故習尚熟不違  
而復不動如故孔子莞爾而笑喜也非動乎意  
也曰野哉由也怒也非動乎意也哭顏淵至於  
慟哀也非動乎意也日用平常變化云爲喜怒  
哀樂如四時之錯行如日月之代明如鏡中萬  
象實虛明而無所有夫是之謂時習而悅之學  
夫是之謂孔子爲之不厭之學道心大同聖  
賢非有餘愚鄙非不足何以證其然人皆有惻

隱之心皆有羞惡之心皆有恭敬之心皆有是非之心愚夫愚婦咸有之奚獨聖人有之人人皆與堯舜禹湯文武周公孔子同人人皆與天地同又何以證其然人心非血氣非形體廣大無際變化無方不疾而速不行而至非神乎不與天地同乎學者當知夫舉天下萬世之人心皆如此也學者當自信毋自欺毋自疑意慮倏起天地懸隔不識不知匪合匪離直心而社自備萬善自絕百非雖無思爲昭明弗遺 目用

云爲無非變化無非斯道視者斯道所視之形色亦斯道聽者斯道所聽之音聲亦斯道思者斯道所思之人情事理亦斯道自清濁未分以至於既分陰陽交而四時行百物生皆斯道動靜有無皆斯道不勞思索念念皆妙曰天曰人曰地曰事曰物名謂不<sub>不</sub>同爾何者不妙學者惟母動于意通三才<sub>性</sub>有此道而已無他物也無他事也皆此物也皆此事也學者捨道誠無所用其心人知所以用心於他事他物也非果

有他事他物之可用心也謬以爲他事而不知他事之卽道也謬以爲他物而不知他物之卽道也不知故昏昏故妄作而爲無道非果無道也百姓日用而不知也雖視聽言動心思之皆道而自昏也此心卽道奚俟他求 或作詠春堂請專明其旨先生曰入而事親其旨也出而事君其旨也兄而友弟而恭其旨也夫婦之別其旨也朋友之信其旨也其視其聽其旨也其言其動其旨也警戒兢業其旨也喜怒哀樂其

旨也思慮詳曲切至其旨也春秋冬夏風雨霜露其旨也風霆流形庶物露生其旨也如是敷明可謂至明白至詳盡或者猶疑焉曰其疑者亦是旨也樂哉 作擊磬記曰昔孔子擊磬於衛厥有大旨爲之言曰天有四時春秋冬夏風雨霜露無非擊磬也地載神氣神氣風霆風霆流形庶物露生無非擊磬也君尊臣卑父慈子孝兄愛而弟敬夫婦別長幼順朋友信無非擊磬也目之視耳之聽心之思慮口之言四禮

運動無非擊磬也子曰二三子以我爲隱乎吾無隱乎爾吾無行而不與二三子者是皆擊磬之旨也作永堂記曰臯陶曰謹厥身脩思永

始如此終不如此非永也靜如此動不如此非永也晝如此夜不如此非永也今日如此他日不如此非永也思如此不思則不如此非永也永非思之所可及也而必曰思者思夫不可得而思也者斯永也孔子曰天下何思何慮謂此也曰毋意謂此也曰吾有知乎哉無知也謂此

也文王之德之純永也維天之命於穆不已永  
也生如此死不如此非永也於天清地濁未分  
時如此於萬萬世之後不如此非永也所以能  
範圍天地之化者此永也所以發育萬物者此  
永也古志謂迎之不見其首隨之不見其後此  
永也所以事親者此也所以事君者此也所以  
從兄者此也所以友弟所以親夫婦所以與朋  
友交者此也所以泛應酬酢出入無時莫知其  
鄉者此也人謂之心孔子曰心之精神是謂聖

人皆有是心皆具此聖而百姓日用而不知也  
斯事至易至簡如輿薪置其前而人自不見  
如鍾鼓置其旁而人自不聞如目不見睫以其  
太近如玉在其懷中而終日奔走索諸外 天  
下之至深常存乎至淺天下之至難常存乎至  
易至淺故雖明告之以此心卽道徃徃復疑以  
爲天下之至妙必不止此於是乎始他求始放  
其心紛紜支離終日不休終歲不休終身不休  
也 學者皆知所以求放心而不知何者爲心

何者爲放何者爲求也不明乎善不誠其身矣  
要先明吾之本心然後能知放知放則知求之  
矣吾之本心無他妙也甚簡也甚易也不損不  
益不作不爲感而遂通以直而動出乎自然者  
是也此心虛明無體象廣大無際量實不會  
動不會靜不會生不會死而人謂之動謂之靜  
謂之生謂之死晝夜常光明人惟不知生故  
不知死不知人故不知鬼神人執氣血以爲已  
執七尺以爲已故製死生判有無殊人鬼而不

知其未始小異也不知其未始不一也以形觀人則人固可見以神觀人則人固不可見也神者人之精形者人之麤死生一致人鬼一貫

德性無生何從有死非二道也此道昭然不可亟語於庸人之前庸情知魂氣歸天如彼其高體魄歸地如此其下以爲不可合而爲一達者觀之未始不一也人之骨肉斃於下陰爲野土此吾之地其氣發揚於上爲君萬懷愴此吾之天百物皆有此天皆有此地天地之精妙名之

曰鬼神 莊子曰勞我以生息我以死是樂死而厭生也樂死而厭生與貪生而懼死同桑戶之歌曰而已反其真而我猶爲人以死爲反真以生爲不反真其牿於生死又如此豈若孔子之言曰未知生焉知死明乎生死之一也莊子又曰汝神將守形形乃長生旣諄諄乎言無物之妙矣茲又守形陋矣又自矛盾矣 自有天地以來至於今不知幾春幾夏幾秋幾冬矣而識其春秋冬夏者有幾不知百物幾生幾死何

止百物人自謂吾識某物某物生某物死而實能識者有幾孔子謂哀樂不可見不可聞而春秋冬夏可見可聞乎又謂庶物露生無非教不知如何而教也此教不可見不可聞即可見可聞言卽無言無言卽言惟洞覺者自知未至於洞覺者終疑疑卽知知卽疑一以貫之妙不可思人皆知有一死而實不知知道之謂知知非心思之所及伊尹謂之覺孔子謂知及之默而識之不可思不可言也無知者聖人之

真知而聖人知之實無知也如以爲聖人之道實可以知之則聖人之道乃不過知識耳不過事物耳而聖人之道乃非知識非事物則求聖人之道者不可以知爲止然以聖人之道爲可以知者固未離於知以聖人之道爲不可知者亦未離於知惟其猶有不可知之知非真無知也聖人之真無知非智識之所到非知不知所能盡一言以蔽之曰心而已矣此心非知非不知苟明此心自然非知不知之所及此之謂真

無知不得此心而武無知則愈無知愈多知去  
却一重障又有一重籬不如休心無作此心自  
是妙更不可測度不惟他人不可測度我亦自  
不能測度子思曰雖聖人亦有所不知焉心無  
異心卽目視耳聽之心手握足行之心自是不  
可知不可限量不可形容也知者必信信者必  
知是謂無知之知時習之習非智非力用智  
智有時而竭用力力有時而息不竭不息至樂  
之城學者多疑所習者何事必有其說吁使所

習之有說則必不能時習矣時習之習乃不習之習易曰不習無不利 學者觀孔子曰君子無終食之間違仁往往切意飲食之外自有所謂仁之道以此求仁却行而求前也不知夫舉匙施筷仁也咀嚼厭飫仁也別味知美惡仁也但於其中微起意焉則心始動始遷始不仁矣知仁者鮮好仁尤鮮旣知而後可以言好不知則安所好仁人心也何知之難求仁於心外故難求仁於心內亦難心無實體安有内外仁

既難知則不仁亦未易知不仁之粗者易知不仁之微者難知意念微起卽爲不仁意象微止亦爲不仁 用力於仁之力異乎他人之所謂力他人之用力乃意必固我之力故有不足用於仁之力乃不識不知之力故無不足發憤忘食用力如此不知如何而用力也樂以忘憂不知所樂安在也不知老之將至此何語也發憤疑無樂今聖人則樂天下之所謂樂者必有時而已今聖人乃以此樂終老此意聖人自知

之自夫子以來更幾千百年更幾千萬人敢謂舉不知也不知者固不得而知知者亦不得而知以舜大聖而猶不知十二章之象使禹明之以孔子大聖而猶不知魯廟此蓋皆斷斷之說而後世之上耻於一物之不知亦愚矣詳於其所不必盡知而畧其所不可不知故終身由之而不知其道者衆也忠信與忠恕者卽吾庸常平直之心卽道渡河丈人亦曰吾之入於波流忠信而已其出也亦忠信而已孔子使二

三子識之烏乎至哉卽吾與人忠不妄語之心  
卽道已文人當日之言未必果曰忠信往往目  
吾出入於波流吾心如是而已無說也無術也  
始吾之入也如是而入其出也如是而出 善

求夫子之道者不求諸夫子而求諸吾之心夫  
子之忠恕固夫子之心也亦吾之心也天下同  
然者謂之心或者賤已而貴聖人平時妄慮紛  
紜惡習深固一旦語夫子之道固望而驚畏而  
遁慊然自以爲不敢企及聞曾子之言曰忠恕

而已固以爲曾子姑以其淺者告之不然則夫子之忠恕必非常人之所謂忠恕也知堯舜之道無出於孝弟則知夫子之道無出於忠恕堯舜之道不出乎徐行後長之間夫子之忠恕固不出於衆人之日用  孟子所以諄諄必稱堯舜灼見人皆有堯舜之心病弗知耳弗信耳孟子知之而舉天下之人皆不知不信是以勞孟子之諄諄也吾徒不可以不熟講也不可以不信也以此事君則可致君爲堯舜之君以此

治民則可使民爲堯舜之民至易也至簡也或  
者終疑堯舜之不可及漢唐之未可輕議此乃  
悖逆姦亂之源也此說不可長士大夫不知  
道故不識禮樂刑政之原是故禮非禮樂非樂  
刑非刑政非政豈無善者大體失之皆非所以  
若恒性綏厥猷也何謂意微起焉皆謂之意  
微止焉皆謂之意意之爲狀不可勝窮有利有  
害有是有非有進有退有虛有實有多有寡有  
散有合有依有違有前有後有上有下有體有

用有本有末有彼有此有動有靜有今有古若此之類縱說橫說不可得而盡然則心與意奚辨二者未始不一蔽者自不一一則爲心二則爲意直則爲心支則爲意通則爲心阻則爲意真心直用不識不知孟子明心孔子母意意母則此心明矣心不必言亦不可言言亦起意聖人尚不欲言恐學者又起無意之意也離意求心未脫乎意直心直意匪合匪離馬公仰而思之夜以繼日非意也孔子臨事而愬疑於義而成

非意也鑑未嘗有美惡而亦未嘗無美惡鑑未嘗有洪纖而亦未嘗無洪纖吾心未嘗有是非利害而亦未嘗無是非利害人心之妙曲折萬變如四時之錯行如日月之代明何可勝窮何可形容何謂必必亦意之必必如此必不如彼必欲如此必不欲如此大道無方奚可指定以爲道在此則不在彼乎以爲道在彼則不在此乎必信必果無乃不可斷斷必必自離自失何謂固固亦意之固固守而不通其道必窮固守

而不化其道亦下何謂我我亦意之我意生故  
我立意不生我亦不立自幼而乳曰我乳長而  
食曰我食衣曰我衣行我行坐我坐讀書我讀  
書仕宦我仕宦名聲我名聲行藝我行藝牢堅  
如鐵不亦如塊不亦如氣不亦如虛不知方意  
念未作時洞焉寂焉無尚不立何者爲我雖意  
念既作至於深切時亦未、  
不洞焉寂焉無尚  
不立何者爲我學者不  
意則墮於必不墮

於固則墮於我故先聖

之聖人先覺學者

後覺耳。人意思舉動隨生衣服時有衣服意。  
思飲食時有飲食意思語默動靜皆然似此意。  
思役盡時人光陰也意中有新有久有喜有厭。  
相生無窮坐久則厭以行為喜行久則厭以坐。  
為喜觸目覩景無非意思皆由失已。學者以  
所得填塞胸中中毒之際復不自覺顏子屢空。  
還有此否。吾往日常在昏昏中而不知衣服  
時亦不知飲食時亦不知行住坐卧時皆在不  
知中自謂吾了了惺惺後因覺此不知即非不

知動靜語默皆天性也人謂我爲之是將責  
金作頑鐵用耳人以念慮爲心是致爲學疲  
勞或自覺則見本心矣婁師德唾面自乾且  
道唾面從那裏來有對者俱未當意徐曰從動  
心處來此心纔動唾卽劈面而來也吾自幼  
年以生計不足爲憂復思古者樂貧之士處貧  
必得其理因讀詞語有若言盍徹乎每每在懷  
一日忽有所得夫盍徹正而已矣宿昔之憂日  
見消釋而動止輕清蓋得理則無所施而不利

復何憂哉 此身乃天地間一物不必兜攬爲已 生一世只忙迫一場便休 無貪戀則自然見道 有志於學見賢者亦學也見不賢者亦學也喜樂亦學也憂苦亦學也學至此學乃吾之全體 先聖曰知及之仁不能守之雖得之必失之知者覺之始仁者覺之終不覺不足以言知覺非心思之所及而猶未精一精一而後可以言仁 錢塘王子庸胸中義理之談無不曉析而自謂其疑敬仲告之以不假更求本

無可疑者子庸曰非不知之而終疑自是或對  
誦或致書無他問端所志惟在道所問未嘗不  
疑蓋日積十八九年矣忽二月之二十三因見  
揚輝躍然如脫如釋於是乎洞然不復如前之  
疑矣敬仲聞之喜不能自己子庸請益從容問  
其情乃猶意其猶有未盡復告之曰習氣之未  
易消釋也如此猶有未盡者意也先聖之所止  
絕也止絕此意者又意也又先聖之所止絕也  
卽疑卽意何思何慮縱心盡意匪動匪止孝於

親友於兄弟信於友恂恂於鄉里自先聖曰吾無知也而某亦安得所知以告子庸也 直翁

來見自陳居處恭至難且戒其說敬仲曰直翁恭愿其察之也久豈直翁燕居亦不敢申申天耶觀聖言當通其道恭言大槩至燕居申申天天非不恭也殆直翁求之過也此心至靈惟無放逸或恭恭或申申變化神明不可度思矧可射思 臨川張元度踵門就見元度誠確篤志夜則收拾精神休之以靜敬仲曰元度所自

有本自全成何假更求視聽言動不學而能惻  
隱羞惡辭讓恭敬是非隨感輒應不待詔告清  
明在躬精神四發不疾而速不行而至收之拾  
之乃成造意休之靜之猶是放心學問之道無  
他求其放心而已矣吾心本無妄而更求乃成  
有妄故曰無妄之往何之矣元度猶自以爲未  
能無過敬仲曰有過卽改元度精神何罪而收  
拾之元度好賢樂善孜孜如不及某堅謂元度  
自賢自善何所更疑而猶待他人爲 賦毛註

夫曰畫畫皆妙點點皆妙小學家曰用其妙而不  
不自知毛誼夫克承先志研精脩潤餘二十年  
比年相親近忽自知是知匪思是知匪知知及  
之敬之敬之 樂平鄒元祥相見自言近覺微  
仲叩之知其覺矣而猶不無阻隨通之自是益  
澄明元祥事親至孝篤愛諸弟嘗語人曰事親  
從兄之際不思不勉無非實地變化云爲弛張  
闊闊宇宙在吾手又曰人皆以兀坐端默爲靜  
吾獨以步趨應酬爲靜人皆以步趨應酬爲動

吾獨以兀坐端默爲動 吳縣葉元吉來訪執  
禮甚恭元吉名祐之自言弱冠志於學而未得  
其方凡先儒所是者依而行所訶者必戒如是  
者十有七年然終未相應得先生絕四碑一讀  
知此心明白廣大異乎先儒繚繞圓曲之說自  
是讀書行已不敢起意後寐中聞更鼓聲而覺  
全身流汗失聲嘆曰此非鼓聲也如還故鄉終  
夜不寐夙興見天地萬象萬變明暗虛實在此  
一聲皆祐之本體光明變化固已無疑而目前

猶若嘗有一物及再聞先生警誨此一物方  
然不見若不見先生止於半塗齋仲示之詩曰  
元吉三更非鼓聲慈湘一夜聽鶯鳴是同是異  
難聲說何慮何思自混成爐炭幾番來暖熟天  
廳一點吐圓明起來又覩無窮景水鑑澄光萬  
里清 趙德淵極有性氣後來喜怒不形於色  
一日同徐良甫游德淵忽於早飯前驚曰異哉  
良甫問狀於是知其有覺敏仲後見德淵德淵  
曰某今於日用應酬都無一事只未知歸宿之

地敬仲曰不必更求歸宿之地人皆有是心心  
未嘗不聖何必更求歸宿 郡守之東有堂焉  
名清心某心不安焉胡爲乎不安孔子曰心之  
精神是謂聖旣聖矣何俟乎清之孟子曰勿正  
心謂夫人心未始不正無俟乎復正之清心即  
正心正心孟子之所戒也而後人復違其教何  
也上繫之洗心大學之正心皆非孔子之言也  
操則存舍則亡出入無時莫知其鄉孔王之說  
信蓋謂操持則在此不操持而舍之則寂然無

所有忽焉而出如思念外物外事則遠出直至  
千里萬里之外又忽焉而入如在平吾身之中  
然而心無形體無形體則自然無方所故曰莫  
知其鄉言實無鄉城也聖人此旨實未嘗貴撰  
而賤舍孟子誤認其語每每有存心之說又有  
存神之說失之矣使果有所存則何以爲神  
中庸其至矣乎民鮮能久矣此子思聞孔子之  
言不審孔子未嘗云能在論語止曰民鮮久矣  
無能字如子曰中庸不可能也此能是用意矣

道無所能有能卽非道。問董仲舒如何先生曰董仲舒學不知道如曰仁義禮智信所當脩篩又曰設誠於內而致行之此道人心之所自有何以脩篩設爲其不達大本如此仲舒又曰道之大原出於天天不變道亦不變道無本末何出何入天者卽此道之健行清明者也而仲舒離而爲二道何由而明濂溪曰誠精故明神應故妙幾微故幽誠未始不精何必更釋誠卽神神卽幾此萬古人心之所同非聖人徒存

之今周子又謂誠神幾曰聖人是謂衆人也謂此正孟子所謂謂其君不能者賊其君者也謂民不能是賊其民者也

或問仁程正叔曰此

在諸公自思之將聖賢所言仁處類聚觀之體

詮出來夫使未有論語孟子時無可類聚又將

若之何孔子未嘗教人類聚類聚體認無非意

路

或問程正叔吾道一以貫之而曰忠恕而已矣則所謂一者卽仁否正叔曰然此一字當

仔細體認一還多在忠上多在恕上曰多在恕

上正叔曰不然多在忠上纔忠便是一恕卽忠之用此論殊爲蔽窒旣已謂之一矣何多何少體認二字便見用意積力之狀孔子惟曰一以貫之別無注脚曾子曰忠恕發明亦坦夷明白不謂後世學者穿鑿撰造至於此 正叔言性中只有仁義禮智四者幾曾有孝弟來與哉正叔之蔽一至於此孝弟仁義名不同耳強立藩離固守名意陷溺於分裂之學障塞坦夷之道孟子謂徐行後長卽堯舜之道以羊易牛卽王

者之心發明孩提愛親及長敬兄爲不學而能  
不慮而知正叔分裂體用而言之不可以爲訓  
也 伊川謂動容貌整思慮則自然生敬敬卽  
是主一也主一則旣不之東又不之西是則只  
是中苦也人性自善何必如此拘束孔子未嘗  
如此教人但曰居處恭執事敬耳但曰約之以  
禮耳伊川之教固愈於放逸者然孔子曰過猶  
不及何則其害道均也 或問熒惑退舍果否  
程正叔曰觀宋景公不能至是問反風如何曰

亦未必然成王一中才之主聖人爲之臣尚幾  
不能保非有動天之德不能至也正叔未明道  
故有此論人心卽道無所不通善心興起如其  
真切豈無感通之理而正叔謂景公不能至是  
又謂成王未必能然賊天下萬世之良心此說  
不可長堯舜與人同耳其不善之心旣足以感  
動災異則其善心豈不足以感動而消弭之不  
知道者其輕有所立論哉

橫渠先生語類卷之十一

存其心曰存否繼否化否無意不張子則勤矣

不草草矣惜乎其未解解者不如此曾子之目  
三省異乎是矣曾子之省不過不忠不信傳授  
弟子而實未嘗習之過皆芸苗改過未嘗助長  
如橫渠乃揠苗助長之學也化者自化豈容問  
耶自省本心者自無意意豈屢省之所能無耶  
自省本心者自未始有間斷何患乎不繼耶堯  
舜雖有惟精惟一之功要非繼續之所可言孟  
子之存心又豈橫渠之所云欲存愈不存欲繼  
愈不繼欲化愈不化欲無意愈不已蓋測曰古

今論學之言撤手懸崖無絲毫粘掛道人所不敢道蓋惟慈湖一人而已誦其言真自痛快末後數條自信無前摘抉前哲如禪門中所謂喝佛罵祖是真學佛祖者尤難與拘繫者道也

石魚樓詩多謝天工意已勤四時換樣示吾人碧桃丹杏分开了綠艾紅榴次第陳秋鴈聲中休惄惄雪梅枝上莫因循機關踏着元非彼正是吾家固有身其二箇裡包坤更括乾精神  
策動便紛然桃紅柳綠春無迹魚躍幕升不

傳麥浪豈緣風滾滾荷珠不爲露涓涓分明是  
了何言否此事難容鄭氏箋

又偶作六首此

道元來卽是心人人拋却去求深不知求却翻

成外若是吾心底用尋若問如何是此心能

思能索又能尋汝心底用他人說只是尋常用

底心此心用處沒蹤由擬待思量是討愁但

只事親兼事長只如此去莫回頭莫將愛敬

復雕鐫一片真純幸自全待得將心去釣索旋

裁荆棘向芝田有心切勿去釣玄釣得玄來

在外邊何似罷休依本分孝慈忠信乃天然此  
天然處不亦妙費盡思量却不到有時父召急  
趨前不覺不知造淵奧此時合勒承認狀從古  
癡頑何不曉處處青山人不識步步踏着此  
巖石妙妙妙妙不可言可惜可惜大可惜題  
慈湖六首惜也天然一段奇如何萬古罕人知  
只今煙水平軒檻觸目無非是孝慈惜也天  
然一段奇如何萬古罕人知只今弄月吟風處  
孔子明言是孝慈惜也天然一段奇如何萬

古罕人知只今山色連深翠孔子明言是率慈  
惜也天然一段奇如何萬古罕人知只今步  
步雲生足底用思爲底用疑 惜也天然一段  
奇如今萬古罕人知只今講學從游地一聽思  
爲一聽疑 惜也天然一段奇如何萬古罕人  
知慙慙爲語從游子訛是思爲訛是疑 金明  
池篇燕語鶯啼杏壇春色爲甚無人領畧又添  
箇山青水綠是多多少少明明白白對面不識  
方且蕩然放逸不亦文詞雕琢聖人道君子不

必相與言但示以禮樂禮樂無言莫穿鑿一味  
融融無窮靜樂步步行行皆妙用言言句句俱  
寂寞舜曰道心明心卽道百姓日用不知不覺  
從學者再三勤勤有請也只不可說着

真德秀

真德秀字景元後更希元稱西山先生宋建之  
浦城人寧宗慶元五年登進士第嘉定元年遷  
太學博士時韓侂胄已誅入對言侂胄倡爲僞  
學之論今日改茲更張正當褒崇名節明示好

尚四年遷著作佐郎同列相忌讒之德秀恬不  
與較兼禮部郎上疏言金有必亡之勢亦可爲  
中國憂蓋金亡則上恬下嬉憂不在敵而在我  
多事之端恐自此始六年遷起居舍人奏言權  
姦擅政初朱熹彭龜年以抗論逐呂祖儉周端  
朝以上書斥當時近臣猶有爭之者其後呂祖  
堯之貶非惟近臣莫敢言而臺諫且出力以擠  
之則嘉泰之失已深於慶元矣更化之初群賢  
皆得自奮未幾傅伯成以諫官論事去蔡幼學

以詞臣論事去鄒應龍許奕又繼以封駁論事去是數人者非能大有所矯拂已皆不容於朝故人務自全一辭不措設有大安危大利害群臣暗嘿如此豈不殆哉今欲與陛下言勤訪問廣謀議明黜陟三者而已時史彌遠方以爵祿縻天下士德秀力請去出爲江東轉運副使江東旱蝗遂與留守憲司分所部九郡大議荒政而自領廣德太平以便宜發廩貢給墺事而還百姓數千人送至郊外指道傍糞塚泣曰此皆

往歲餓死者微公我輩已相隨入此矣先是都  
司胡楨等每誚德秀迂儒試以事必敗至是政  
譽日聞理宗卽位召爲中書舍人尋擢禮部侍  
郎直學士院入見奏三綱五常扶持宇宙之棟  
幹奠安生民之柱石人主但當以二帝三王爲  
師又疏言朝廷之上敏銳之士多於老成雖嘗  
以耆艾褒傳伯成楊簡以儒學襯柴中行以恬  
退用趙蕃劉宰至忠亮敢言如陳密徐僑皆未  
蒙錄用上問廉吏希元以知袁州趙箇夫對上

親擢第夫直秘閣希元因經筵侍上進曰此高  
孝二祖儲神燕閒之地仰瞻楹桷當如二祖在  
上惟學可以明此心惟敬可以存此心惟親君  
子可以維持此心屢陳鯁言上皆虛心開納而  
彌遠益嚴憚之乃謀所以相撼落職歸脩讀書  
記語門人曰此人君爲治之門如有用我者執  
此以往紹定間復起知泉州迎者塞路深山百  
歲之老亦扶杖而出城中懽聲動地召爲戶部  
尚書入見以大學衍義進改翰林學士踰年拜

衆知政事三乞辭祿疾亟冠帶起坐卒謚文忠  
希元長身廣額容貌如玉望之者無不以公浦  
望之立朝不滿十年奏疏無論數十萬言皆切  
當世要務直聲震朝廷四方人士誦其文想見  
其風采及宦游所至惠政深洽不愧其言自侂  
胄立僞學之名以鋼善類凡近世大儒之書皆  
顯禁禁希元晚出獨慨然以斯道自任講  
習而復行之黨羣開而正學遂明於天下後  
世多其力也先嘉定初居館藏時秘書郎楊敬

仲謂曰希元有志於學顧未能忘富貴利達何也希元恍然莫知所謂敬仲徐曰子嘗以命訊日者故知之夫必去是心而後可以語道希元曰先生之於某可謂愛之深而教之篤矣守泉州日著心經始自舜禹授受繼以詩易四書禮記周程朱之言凡謂心之法靡不畢備 詩飽食安居樂矣哉這場春夢幾時了若還要睡如今醒莫待藤枯樹倒來 人說崑崙多美玉世傳滄海有明珠世傳人說恐無據今我家傳乃

不虛 人生難得今已得人道難聞今已聞此  
生不向今生度更向何生度此身 大丈夫今  
宜早早休言今日又明朝等閑趨倒崑崙柱風  
自清兮月自高

許衡

許衡字仲平號魯齋懷之河內人也生金章宗  
大安元年宋寧宗嘉定元年也七歲入學授章  
句問其師曰讀書何爲師曰取科第耳曰如斯  
而已乎師大奇之每授書又能問其旨義久之

師謂其父母曰兒穎悟不凡他日必有大過人者吾非其師也遂辭去如是者凡更三師稍長嗜學如饑渴夜思晝誦身體而力踐之當暑中過河陽渴甚道有梨衆爭取啖之仲平獨危坐樹下自若或問之曰非其有而取不可也人曰世亂梨無主曰梨無主吾心獨無主乎人見其有德稍稍從之仲平聞姚樞以道學自任乃詣門見之旣而移家蘇門依姚樞以便講習及後徵仲平獨處蘇門始有狂道之意元憲宗

四年世祖出王秦中召仲平爲京兆提學世祖  
卽位召至京師至元間除中書左丞八年兼國  
子祭酒聞命喜曰此吾事也設教懇歎周悉必  
使通曉嘗問諸生此童書義若推之自身今日  
之事有可用否書中無疑看得有疑有疑却看  
得無疑方是有功其教人也因其所明開其蔽  
日漸月漸不自知其變也日新月盛不自知其  
化也以疾請還病革家人祠仲平曰吾一日未  
死寧不有事於祖考起奠獻如儀旣撤而卒年

七十二

吳澄

吳澄字伯清元時崇仁人伯清生前一夕鄉老見有異氣降其家而伯清生伯清每夜讀書常至旦母憂貧其過節膏火以與之伯清乃候母就寢然後燃燈讀誦十九歲作道統圖自識曰昔程朱二夫子年十七八時已超然有卓絕之見慨然有求道之志然猶未至於化而死也今愚生十有九年矣失今不學更待何時日月逝矣

歲不我與可不懼哉可不念哉

御史程鉅

奉詔求賢江南起伯清至京師未幾以母老辭歸行省掾元明善嘗問易詩書春秋奧義嘆曰與吳先生言如探淵海遂執弟子禮終身焉左丞董士選延之於家親執饋食曰吳先生天下士也除江西儒學副提舉居三月以疾去官至大元年召爲國子監丞皇慶元年陞司業英宗卽位超遷翰林學士初伯清所居草屋數間程鉅夫題曰草廬故學者稱爲草廬先生天曆三

年朝廷以伯清耆老特命次子京爲撫州教授以便奉養明年六月得疾有大星墜其舍東北而伯清卒年八十五謚文正伯清嘗著本心樓記曰一心也自堯舜禹湯文武周公傳之以至於孔子其道同道之爲道具於心豈有外心而求道者哉孔子教人未嘗直言心體蓋日用事物莫非此心之用於其用處各當其理而吾心之體在是矣操存舍亡惟心之謂孔子之言也其言不見於論語之所記而得之於孟子之傳

則知孔子教人非不言心也一時學者未可與  
言而言之有所未及爾孟子傳孔子之道而患  
學者之失其本心也於是始明指本心以教人  
此陸子之學所從出也夫孟子之言心而謂之  
本心者以爲萬事之所根猶草木之有本而苗  
茲枝葉皆由是以生也今人談陸之學往往曰  
以本心爲學而問其所以則莫能知陸子之所  
以爲學者何如是本心二字徒習聞其名而未  
究竟其實爾然此心也人人所同有反求諸身

卽此而是以此而學非特陸子爲然堯舜禹湯文武周孔顏曾思孟以逮邵周張程諸子蓋莫不然故特指陸子之學爲本心學者非知聖人之道者也應接酬酢千變萬化無一而非本心之發見不失其本心非專離去事物寂然不動以固守其心也又著尊德性道問學齊記曰天之所以生人人之所以爲人以此德性也漢唐千餘年間儒者各矜所長奮迅驄驁而不自知其缺董韓二子依稀數語近之而原本竟昧

也宋初如胡如孫首明聖經以立師教一時號爲有體有用之學卓行異材之士多出其門然稽其極所度越董韓者無幾則於德性猶未知所以用力逮周程張邵興始與孟氏爲一程氏四傳至朱文義之精密句談而字議又孟氏以來所未有者而其學徒往往滯於此而溺其心夫既以世儒記誦詞章爲俗學矣而其爲學亦未離乎言語之末甚至專守一藝而不復旁通他書掇拾腐說而不能自遣一辭反俾記誦之

徒強其陋詞章之徒譏其拙此則嘉定以後朱  
門末學之弊而未有能救之者也夫所貴乎聖  
人之學以能全天之所以與我者爾天之與我  
德性是也是謂仁義禮智之根形質血氣之主  
舍此而他求所學果何學哉假而行如司馬文  
正公才如諸葛忠武侯亦不免爲行不著習不  
察亦不過爲資器之超於人而謂有得於聖學  
則未也况止於訓詁之精講說之密如比溪之  
陳雙峯之饒則與彼記誦詞章之學相去何能

以寸哉澄也鑽研於文義毫分纏析猶以陳爲  
未精饒爲未密也墮此窠臼中垂四十年始覺  
其非矣又曰人皆可以爲聖人特患不爲耳學  
必志於爲聖人苟遜其極姑處其次殆與自暴  
自棄一耳又曰見孺子入井則然不忍此心從  
何而萌聞犬馬呼已能艷然不走心從何而  
起舉世張張如無目之人坐無燭至金玉滿  
堂而冥然莫知其有此寶也儻能感前聖之所  
已言求吾心之所同得而一旦有覺焉譬猶目

翳頓除燭光四達左右前後至寢畢見皆五素  
有不可勝用也又曰格物者夢覺之關誠意者  
人觀之關實悟爲格實踐爲誠物旣格者醒夢  
爲覺否則雖當覺時亦夢也意旣誠者轉獸爲  
人否則雖列人群亦獸也號爲讀四書而未離  
乎夢未免乎獸者蓋不鮮可不懼哉又云提耳  
而誨之可使不識一字之凡夫立造神妙

黃澤

黃澤字楚望元時人家九江楚望生有其傳

誦數千言年十六慨然以明經學古自勵好爲苦思屢以成疾疾止則復苦思如故嘗夢見夫子以爲適然旣而屢屢夢見最後乃夢夫子親授所校六經字畫如新乃決意歸休以繼絕學爲已任焉自是十餘年間屢悟聖經隱願之義而矢傳之旨以通乃作思古吟十章卒年八十七楚望於經學以積思自悟爲主或得之幽閑寂寞之餘或得諸顛沛流離之頃或得諸疾病無聊之日或得諸道途風雨之中久則豁然無

不通貫自天地定位人物未生以前沿而下之  
凡邃古之初萬化之原載藉所不能具皆昭若  
發蒙數十年苦思而未通者冰解凍釋怡然各  
就條理矣蓋由專精積久而後得非漫然也當  
時臨川吳草廬養疾九江濂溪書院見楚望所  
著易學濫觴春秋指要大善之題其卷端曰楚  
望父之著經也其志可謂苦矣又得六經辨釋  
補著觀之謂學者曰今人無能知黃楚望者然  
楚望雅自慎重其學未嘗輕與人言以爲其人

學不足以明聖人之心志不以六經明晦爲已任則雖與之言終日無益也學士李洞使還過九江請楚望於濂溪書院受一經之學楚望謝白以君之才輟期歲之功何經不可明然亦不筆授其義而已若予則於艱苦之餘乃能有善非邵子不敢以二十年林下期君也門人新安趙汸爲高弟汸始拜楚望請問治經之要楚望告之曰在致思然不盡悟傳註之失則亦不知所以爲思也乃知楚望於六經之學以

其所自得而教人者蓋如此嘗謂周易春秋二經實夫子手筆聖人精神心術所存必盡得其不傳之旨然後孔門之教乃備是以及門之士鮮能信從領會而當世君子亦莫克知之唯濂川吳草廬獨敬異焉

聖學宗傳卷之十一終